

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/KANTONALNO TUŽITELJSTVO
T R A V N I K

Broj: T06 0 KT 0035157 24

Travnik, 25.08.2025. godine

OPĆINSKOM SUDU U TRAVNIKU

- Sudiji za prethodno saslušanje –

Na osnovu člana 45. stav 2. tačka i) i člana 241. stav 1. ZKP FBiH, podižem:

O P T U Ž N I C U

Potvrđena dana 02.09.2025.godine

Protiv:

1. A. E.,

2. M. N.,

3. A. Z.,

4. A. Z.,

5. A. R.,

Što su A. E., M. N., A. Z., A. Z. i A. R.:

1. Dana 07.05.2024. godine oko 22,20 sati u mjestu Grablje općina Busovača, učestvovali u tuči u kojoj je jedna osoba teško tjelesno ozlijeđena, pri čemu je doveden u opasnost život te osobe, na način da su u ugostiteljskom objektu Sarajlić, koji se nalazi u sklopu benzinske pumpe Sarajlić, koja ne radi, konzumirali alkoholna pića, te nakon verbalne prepirke oko izvođenja pjesme, N. M., koji je sjedio za stolom zajedno sa A. E. i N. A., obratio se ostalim gostima riječima: „Šta me gledaš,“ prvo Z. A., a potom R. A. sa kojima su bili Z. i Z. A., pa kada su odgovorili da ne gledaju, N. je ustao i pozivao ih da izađu napolje da se potuku, nakon čega je izašao izvan lokala, te ih ponovo rukama pozivajući da izađu, da bi nakon toga iz lokala izašao Z. A., a za njim i Z. A., koji su se po izlasku fizički sukobili sa N. M., naizmjenično se udarajući rukama i nogama, nakon čega je Z. uhvatio rukama N. M. i oborio ga na asfalt, pri čemu je N. M. nakratko izgubio svijest, da bi ga Z. pitao „Je li nam ovo trebalo“, a N. odgovorio da nije, a zatim su iz lokala izašli Z. i R. A., a za njima E. A., koji je u ruci držao razbijenu staklenu flašu kojom je pokušao udariti R. A., koji se izmaknuo, tako da je E. A., flašom udario Z. A. po lijevom uhu i lijevoj strani lica, a nakon toga R. A. je zatvorenom pesnicom dva puta udario E. A. u predjelu glave, koji je od zadobijenih udaraca pao na asfalt, da bi ga u tom trenutku Z. A. nastavio udarati po tijelu, nakon čega mu je prišao brat Z. A., koji ga je uhvatio rukama i govorio da prestane, da bi u tom naguravanju Z. A. zadobio dvije ubodne rane u području trbušne stijenke sa prodorom u trbušnu šupljinu, krvarenje u trbušnoj šupljini, ozljedu sa razdrom stijenke tankog crijeva na dva mjesta, ozljedu sa razdrom stijenke

debelog crijeva na dva mjesta, reznu ranu na licu sa desne strane i u području desne uške, ubodnu ranu u području lijeve natkoljenice, koje u svom zbiru predstavljaju tešku tjelesnu ozljedu opasnu po život, svjesni da učestvovanjem u tuči druga osoba može biti teško tjelesno ozlijeđena i htijući to.

Dakle, učestvovali u tuči u kojoj je jedna osoba zadobila tešku tjelesnu ozljedu opasnu po život.

2. N. M., sam:

Dana 08.05.2024. godine oko 16,30 sati u mjestu Grablje općina Busovača, u ugostiteljskom objektu Sarajlić u sobi broj 19. neovlašteno posjedovao opojnu drogu na način da je suprotno odredbama člana 4. stav 1, 2,3 i 5. u vezi sa članom 19. Zakona o sprečavanju i suzbijanju zloupotrebe opojnih droga (Službeni glasnik BiH broj: 8/06,103/08 i 51/11) iako je bio svjestan da se radi o materiji koja je propisom proglašena opojnim drogama i da je posjedovanje iste zabranjeno i htijući to, neovlašteno kod sebe u prostoriji posjedovao opojnu drogu Cannabis, neto mase 4,580 grama, upakovanu u jedan crveni pvc paketić, koja je pronađena prilikom pretresa sobe broj 19. u ugostiteljskom objektu Sarajlić, koju su koristili N. M. i E. A. na osnovu Naredbe Općinskog suda u Travniku, a koju su realizovali policijski službenici MUP-a SBK, za koju je rekao da je njegova, a koja opojna droga je oduzeta uz uredno izdatu Potvrda o privremenom oduzimanju predmeta.

Dakle, neovlašteno posjedovao opojnu drogu.

Čime su A. E., A. Z., A. Z. i A. R. počinili krivično djelo: Učestvovanje u tuči iz člana 174. KZ FBiH, a M. N. krivično djelo Učestvovanja u tuči iz člana 174. KZ FBiH, u sticaju sa krivičnim djelom Posjedovanje i omogućavanje uživanja opojnih droga iz člana 239. stav 3. KZ FBiH, sve u vezi sa članom 54. KZ FBiH.

Na osnovu odredbe člana 78. stav 1. KZ FBiH i člana 239. stav 4. KZ FBiH od osumnjičenog M. N. ima se trajno oduzeti opojna droga Cannabis u količini neto mase 4,552 grama, koja će nakon pravosnažnosti Presude biti uništena.

Na osnovu odredbe člana 78. stav 1. KZ FBiH nož, metalni, crne boje, ukupne dužine 24 cm, od toga oštrica 10 cm i drška noža 14 cm, a za koji nije utvrđeno čije je vlasništvo, koji je pronađen na licu mjesta i izuzet u sklopu uviđaja će se trajno oduzeti i nakon pravosnažnosti presude uništiti.

KANTONALNI TUŽILAC

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom